

說部叢書第三集第十八編

鐵匣頭顱續編

下冊



上海商務印書館印行

鐵匣頭顱續編卷下

第三段

第一章

四月之晚。在英國海岸以南。是日太陽垂落。爲黑雲所蔽。不見。旣又發露其光線。似與人告別者。已而沈矣。有一輪舶。行於海上。其上有二人。一爲遮雷美。一則同舟人也。同舟者言曰。今日氣佳。夕陽已落海上。風物如何。君不見英國瀕海之山峯耶。遮雷美以遠鏡窺之。曰。近矣。復有一估客曰。諸君何窺。言者曰。吾觀本國之山峯耳。客曰。山峯何足奇。吾至不欲觀。言者曰。君謂遠客歸娶者。無樂意耶。遮雷美收鏡。行入船尾。下大艙。與吸菸一人言曰。去本國

近矣。吸菸者以手近翳眼之物。言曰。吾忘之矣。君觀山峯至了。了。未知吾目如何。遮雷美。吾將問爾以事。天下醫生。往往欺人。語時去其翳眼之物。曰。爾試觀吾面毀乎。且吾目斜耶。瞎耶。問者卽爾乃司也。遮雷美細觀其目久久。爾乃司曰。但言其病。何事久觀。遮雷美曰。無病。爾之眼光正與我同。不信。請一女士來觀。卽知吾言之非謬。爾乃司曰。敬謝上帝。此時艙門有敲戶聲。入時。則艙中侍者也。呼曰。伯爵。爾乃司呼我乎。爾乃司曰。請爾趣吾侍者至。艙人曰諾。爾乃司曰。此物何爲。稱我爲伯爵。遮雷美曰。爾聽之未熟。熟則不厭。爾乃司曰。此事全屬爾之在南斐時。汝不告醫生。人亦何由知我襲爵。吾至英國時。必去此號。今舟中人。悉如此稱。只得安而受之。遮雷美曰。此稱人人所悅。汝獨不爾。何也。爾乃司曰。否。卽

在他人亦須抱歉。天下安有親殺其人而奪其爵者。如何能安。唯爾所得律師之書。可誦與吾聽之。書在皮篋中。可趣出之。遮雷美如言。視皮篋已半壞。啓之中。多拉雜之物。有一素巾。舊矣。則伊娃所贈者。此外有髮一束。以藍巾束之。髮亦伊娃之髮也。尙有乾花之片。及他信札。已而檢得律師之書。啓之。讀示爾。乃司書由伊司雷忒所發。上書一千八百七十九年正月二十二號。尙未下讀。爾乃司曰。此書發時。吾正苦戰於伊窪納。而書來示我襲爵之喜信。然吾殺人之罪人也。世父方欲報其仇也。書曰。爾乃司伯爵足下。此爲吾律師之責。宜奉白者。本月十八號。公之世父老勳爵逝世。前此有兒。宜襲其爵。願以決鬪死。按序公宜承襲。前又奉政府赦書。赦免公罪。爲卡達司先生所示者。吾亦不能不按例而行。蓋公

已赦免其罪。可以自由。可以趣歸。襲此勳舊之職。不必辭也。方公世父在日。頗不直公。聞公獲赦。病乃增劇。蓋其子已經長成。爲公所殺。恨至次骨。廻思公獲赦典。則復仇無期。因之殞命。爵可受。產業不能受。但有住宅一區。及花園一所。大可一百八十五埃克。歸公承管。盼公急歸。吾可以爲公措置。至於產業。老伯爵遺言。授其夫人之族子司密司。其人居克拉代木。以上之言。悉歸此書。靜候還雲。無任企盼。下書律師拍雷等拜啓。爾乃司聽後言曰。住宅花園歸我何用。我意不如售之。一身初無長物。何能副勳爵之模範。寧不寒酸可笑。遮雷美曰。事安可知。吾請言君暈於山上時。以書予那他洛長官。及領兵之隊官。爾乃司曰。今生矣。何必更提舊事。焚之可也。遮雷美曰。吾仍讀之。吾第一書。在那他洛牛加索中所

發時爲正月二十七號。書曰：吾頗有不辱事。告之長官。少尉爾乃司。爲上尉野魯登之部曲。命我作事奉白。少尉馬上觸電而病。臥榻不能作書。蓋於八月二十二號。野魯登騎隊。捧檄往止蘇嚕來兵。立時上道。旣至高岡。而敵兵適至。隊官令衆下馬。鎗擊敵軍。發無不中。然敵衆數可四千以外。野魯登知不能卻。遂縱馬陷陣。敵兵死者不鮮。我軍直貫敵軍而出。死者二十餘騎。主將野魯登父子均沒於陣。其子路格則副官也。而傷者尙數騎。固不能衝鋒再出。野魯登旣殞。爾乃司遂代領其兵。欲退不能。更爲蘇嚕兵三百兜圍。後路旣斷。數十騎遂困於陔心。衆尙欲力戰而脫。遂鼓勵餘衆。令突陣而奔。與敵下馬地鬪。於是騎士全歿。爾乃司遮雷美及騎士馬初庫。竟從死中得脫。敵謂所餘無幾。竟整軍而去。但留六

人縛我三騎。三人並力殺此六人。戰罷且歸。而電觸其身。目瞇而暈。此戰也。僅以六十四騎死敵軍四百餘衆。人人送命。死時面皆向敵。不以背也。此戰之烈。想長官亦不能斥其無勇。下書遮雷美代少尉爾乃司啓。讀已。更誦長官覆書。至自馬雷白格。爲二月二號所覆。書曰。得書已悉。今請足下轉告少尉爾乃司。及未死之騎士。此間參謀長甚佩壯士之勇。伊窪納一戰。直不媿丈夫所爲。衆聞少尉觸電。甚爲危之。此君殺敵之勇。定上其事於朝廷。今奉長官之命。二君果欲更爲國家宣力。可更入義勇隊爲長。下書參謀長覆。以外尙有一書。則辭謝參謀長者。爾乃司聽後言曰。汝胡以謝去其役。遮雷美曰。我固別有用意。爾乃司曰。何意也。吾久知爾願欲甚悅從軍。胡以畏蒞不前。遮雷美曰。前之所言者我輩也。爾

乃司曰。何謂我輩。答曰。爾我一也。今爾不行。我何須此。爾乃司笑曰。區區此身。何關輕重。答曰。爾遇不測之事。吾胡能舍爾入軍。天下舍其良友。亦不能稱爲義士。蓋吾二人總角之交。當矢死不能判。襁爾乃司情深而易感。今腦中受病。性情尤篤。於是含淚執遮雷美之手。言曰。老友聽之。吾雖被難。尙爲有福。以得天下真性情之良友。他人無之。所以福不如我。果爾死於伊窪納。則我心將何安置。須知爾我二人之感情。以前此同眷一女。此情卽由彼而來。語至此。遮雷美不能答。忽聞有叩扉聲。則馬初庫入也。此時馬初庫一洗黑人之狀態。平日衣白衣。寬博而長。今則易西裝矣。且着高靴。唯髮未薙。則仍野蠻之髮。加冠而執杖。入門行禮後。跪於地上。聽令。遮雷美一見微笑曰。爾之衣冠。何從而得。答曰。吾以三鎊

自一等艙中。購自估客。爾乃司曰。此服非佳。必到英倫時。吾爲爾購之。爾若畏寒。可衣故衣。其外加帔可也。且吾馬如何。答曰。馬尙無恙。適有人示以麵包。故不與之。而馬乃咬其人之衣。似洩怨者。爾乃司曰。汝今夕以麩飼之。馬初庫諾。爾乃司曰。此間冷於彼間。汝遠至此地。習否。馬初庫曰。主人。吾甫登舟而海行。覺心中亂動不已。苦至難耐。因思此次果不死者。則後此可成白人。以吾心白。則可化爲白人。然而焦悚異常。幾欲吐出五臟。已而少平。吐亦少止。遂食牛肉。自問曰。此行如何。心中似作答言曰。汝運佳能事。賢主人。勇於殺敵。汝事其人大有光榮。馬初庫語後。爲禮而出。爾乃司謂遮雷美曰。奴雖黑種。性情尙佳。惟恐後此有兩事可虞。非思家者。卽成醉漢。果能受我教育。則可以廁於文明之邦。然吾頗悔。

攜其至此。

第二章

明日上午九句鐘。在下里馬司逆旅中。有一少年之女子。登樓至一客房中。此女甚美。房中坐一老人。老人則卡達司女。卽道婁西。卡達司見道婁西至。卽曰。汝胡匆匆。詎狂病發耶。道婁西曰。康威卡尤船進口矣。吾當至輪船公司。趁小輪船。赴海口迎迓其人。汝胡不速下。同吾一行。卡達司曰。小輪船以何時發。道婁西曰。九點三刻啓艙。卡達司曰。然則尙有三刻之淹。道婁西曰。速行爲佳。卡達司笑而起。加冠着外套訖。然心中亦急欲面爾。乃司面赤手顫。匆匆至海岸。關津之前。以待來舟。卡達司曰。爾乃司外出多年。乃至病目。滋可惜也。道婁西曰。眼病而面目亦更平。或且不爾。老人

曰。吾亦莫知。若弟書中亦未言及此。道婁西曰。吾亦不敢深信。世事。彼二人苦戰於蠻荒。竟能從萬死中爭出性命。非帝力胡能及此。卡達司曰。汝亦近於迷信。此事偶然。容亦有之。然道婁西仍思上帝待己之厚。是日衣淡紅之衫。此女貌特中人以上。然嫵媚實可人意。面目之中俱含賢慧之意。一望知爲淑女也。時小船已至。女問船人曰。吾輩可以入艙乎。舵工曰。時屆矣。遂登舟。見康威卡尤大艙已至。老人及女同上大艙。覓取爾乃司及遮雷美。艙面竟不得見。道婁西聲顫言曰。胡再不見。老人則脫冠以素巾自拭其額汗。亦頗疑訝。忽見一黑人。衣白衣。執長矛。至二人之前爲禮而立。以矛高舉。呼曰。主人。亦稱道婁西爲主人。且曰。吾主人目光小翳。故遣奴子迎迓。二人遂同此黑人下艙。然黑人操土音。二人不

卽了了。道婁西見艙中一高碩之人。扶將一人同出。道婁西奔至其前。呼曰。爾乃司汝歸矣。高碩者。遮雷美也。爾乃司一聞道婁西之聲。卽伸兩臂。將抱而親吻。而道婁西亦不斂避。聽其爲禮。且以身就之。爾乃司尙曰。道婁西安在。道婁西曰。我固在此。於是彼此互親。其吻道婁西又與遮雷美親吻。卡達司突進。堅把二人之手。喜極不能發言。家人之言喋雜無次。遂命馬初庫料量行李。後復往視爾乃司之馬匹。道婁西見此馬蹄嚙不馴。然一近其前。倏忽變爲調良親人之狀。爾乃司行至馬棚之前。以手撫馬創處。曰。此吾戰時馬股中彈之戰癥也。道婁西思及戰地之險。淚應聲下。尙欲與爾乃司親吻。顧乃無機。則堅握其手以示平日相思之酷。至此悉已消融。時行李及馬匹盡下。同至逆旅。坐於客廳。案上花朵。

叢集芬芳撲人。卡達司同遮雷美復出。至海關納稅金。並檢閱行
李。二人既至。見馬初庫與津吏大吵。口中作詈人語。而津吏不之
覺。笑以爲怪。二人爲解釋之。此時逆旅中。但餘二人。爾乃司曰。道
婁西。今日天氣良佳。汝能否扶我外出閒行。以吸空氣否。道婁西
曰。可。爾乃司曰。汝不厭與無目者同行乎。汝必以手授我。道婁西
曰。汝安有是言。且勿急急。吾當取冠戴之。蓋道婁西之心愛爾。乃
司至切自信。難匹貴人。然貴者無目。決不爲美人所愛。以己匹之。
必無輕重之差。因之愉悅。自信倍於往日。且爾乃司果無己身。亦
斷不能自由。則後此可以長侍其人。以偕老。矧無目之人。苟非己
身相之。亦決難獨立。想後來彼此同命。必永固而不分。道婁西計
定。轉以爲樂。以前此空費思量。今則人落己手。萬萬不可聽其再

颺而去。當日伊娃之婚約。固曾力助其人。冀兩美之相合。然伊娃背惠食言。別嫁卜老登。則今日爾乃司之娶已。亦不爲奪人所好。惟心知爾乃司必垂念伊娃。顧因緣旣暌。亦將降心從己矣。以上均道婁西意中之言。此時加冠於首。扶爾乃司曰。凡人安得萬全也。爾乃司點首。二人扶將。至門外花園之上。道婁西曰。爾乃司。汝試告我在外之故。汝今體壯。而面目亦英偉。非復昔日之孩穉。度必有閱歷之言。爾乃司曰。行獵也。戰陣也。游覽也。狹邪遊也。不一而足。道婁西曰。汝之行踪。吾一一知之。但問此心。於累年以來。一何所寓。爾乃司曰。念爾耳。道婁西曰。此言殊僞。更敢喋喋者。吾將舍汝而去。汝務吐實。勿作誓言。吾深知爾所念之人。何妨攄懷以示我。爾乃司曰。何必更及伊娃一及此人。轉生無窮之悵。觸道婁

西曰。吾甚爲爾悲之。此事。吾曾力持而竟。怫然違我。想其人腦中有病。或且卜老登及佛老龍。以詐屈抑致吾心力俱窮。終不之悟。又安知伊娃愛汝。實出真心。天下美人。往往自恃其美。悅近而忘遠。此通病也。今前事休矣。嫁後兒女成行矣。想爾客中思之不已。吾因爾之故。深恨其人。爾乃司曰。吾當日思熾時。亦頗恨恨。今則少已。實相告。吾心傷已極。恨人間萬事。一切皆空。卽爾亦不必更恨其人。彼縱眼前行樂。正恐後來不爾耳。須知女子之心。難測。殊不如男子篤念之深。一不得意。傷心亦甚。道婁西曰。此言我不了。爾乃司曰。吾舉多數而言耳。卽此變故。亦不能怨及伊娃。彼有生之年。卽我傷心之物。似天心使彼令我銷魂。尤令我啣恨也。凡我一生之蹇運。悉彼爲之。將來終有歸宿之日。天下苦境盡處。自

得甜芳。獨不觀有長夜之漫漫。卽有白日之昭昭。有冬寒之凜凜。卽有春暖之融融。乎當日野魯登曾語我。天下困苦之人。必有酬報。斷無徒勞無功之理。猶之種子於田。必有弩芽生華之一日。道婁西曰。吾亦云然。爾乃司曰。人果能悉此道理。則易於進取。譬於習海道者。易行舟也。人人果知用功苦勉。後望方長。則亦何悲之有。吾今且效童子。日受夏楚。深所不欲。必有一日。釋此夏楚之時。道婁西曰。然。爾乃司曰。吾邇來推尋男女之情。凡男子之苦樂。悉由女子之賢否。果無女子者。而男子又寂然寡歡。譬如伊娃前此愛我。今則屬身卜老。登吾亦何必更以癡心向之。蓋女子之心。四通八達。移甲就乙。常事也。安能強而服之。彼卜老登者。奪伊娃於我之手。我亦無怨。非卜老登強於我者。伊娃何爲重之。然以伊娃

事勢度之。決非出之本心。道婁西曰。然伊娃自陳苦衷。出諸無可奈何。非本懷如是。爾乃司曰。果不出吾料。汝當知吾甚愛彼。思之萬難自遣。伊娃亦既允婚。而又委身他屬。或且卜老登才勝於我。惟我心之艱。實不宣之於言。道婁西曰。傷哉。爾乃司曰。人生不如意事。十常八九。安能盡愜我心。道婁西曰。爾乃司。汝交舛運。今復喪明。乃更舛矣。今當擇其精於此術者。爲爾施治。爾乃司曰。吾觀天下眼科。決無此等能力。然吾亦自足。須知吾之喪明。卽在死人堆中。人死而我但喪明。則得天多矣。至於目不見物。亦自有佳處。須知無目之人。其心思最細。且足以洞察物理。貪嗔驕吝。或且可免。至爾之風貌如何。吾亦不辨。似長日閉於高牆之中。卽有太陽。亦同黑夜。胡從別其明暗。且舉其身體付之社會。亦猶死後。